

आकाशवाणी

खबरां पूनम डोगरा कोला

1. प्रधानमंत्री नरेन्द्र मोदी होर अज्ज यूरोपियन युनियन दे अध्यक्ष हुंदे कन्नै डेलीगेशन स्तरै दी गल्लबात करडन।
2. तुहिन कान्ता पांडे होरेंगी अगले 3 बरें लेई सेबी दा नमां अध्यक्ष नियुक्त कीता गेआ ऐ।
3. मन्ने-परमन्ने दे उड़िया फिल्म कलाकार उत्तम मोहंती हुंदा जंदी रातीं गुरुग्राम च 66एं बरें दी उम्री च काल होई गेआ ऐ।
4. नेपाल सने बिहार, पच्छिम बंगाल ते सिक्किम च 6 इशारिया 1 दी तीव्रता दे भूचाल दे झटके मैहसूस कीते गे। भूचाल दा केन्द्र नेपाल दा बागमती सूबा हा।
5. अमरीकी राष्ट्रपति डोनाल्ड ट्रम्प होरें चीन थमां होने आहले आयातें उप्पर 10 फीसद बाद्दू शुल्क लाने दा ऐलान कीता ऐ।
6. जर्मन ओपन बैडमिंटन टूर्नामेंट च मिक्स्ड डबल्स च भारत दी ध्रुव कपिला ते तनीषा क्रैस्टो दी जोडी दा अज्ज क्वार्टर फाइनल च चीन दी जीएओजिया जुआन ते वू मेंग यिंग कन्नै मुकाबला होग।

PM-Talks

प्रधानमंत्री नरेंद्र मोदी होर अज्ज दिल्ली च यूरोपीय आयोग दे अध्यक्ष उरसुलावॉन डेरलेयेन हुंदे कन्नै प्रतिनिधिमंडल स्तर दी गल्लबात करंगन। डेरलेयेन होर कल भारत दी 2 रोजा जातरा उप्पर दिल्ली पुज्जा रदियां हियां। उन्दे कन्नै 27 यूरोपीय संघ दे आयुक्त बी मौजूद हे। एह यूरोपीय संघ दे आयुक्तें दी पैहली भारत जातरा ऐ ते एहदे कन्नै दवैं मुल्खें दे दपक्खी रियशते होर निग्गर होने दी मेद ऐ।

<><><><><><>

PM-Jashan

प्रधानमंत्री नरेंद्र मोदी होर अज्ज संझा नमीं दिल्ली दे सुंदर नर्सरी च जहान ए खुसरो 2025 च हिस्सा लै।गन। रूमी फाउंडेशन आसेआ आयोजित एह उत्सव इस बरे अपनी 25मीं बरे गंड मना'रदा ऐ। एहदी शुरूआत 2001 बरे च मशहूर फिल्म निर्माता ते कलाकार मुजफ्फर अली होरें कीती ही। इस महोत्सव दौरान प्रधानमंत्री नरेंद्र मोदी होर TEH बजार दा बी दौरा करंगन जेदे च देश दे बक्ख-बक्ख इलाकें थमां एक जिला एक उत्पाद, हत्थखड्डी ते होर दुइयें उत्कृष्ट कलाकृतियें ते दस्तकारी उप्पर लौहकी फिल्में दा प्रदर्शन कीता जाग।

<><><><><><>

PM

प्रधानमंत्री नरेंद्र मोदी होरें गलाया जे महाकुम्भ दी परम्परा ज्हारें बरे शा भारत दी राश्ट्रीय चेतना गी पुर्नजीवित कने दे कन्नै देश ते समाज गी नमें रस्ते सुझांदी रेई ऐ। प्रधानमंत्री होरें गलाया जे इस चाल्ली दा महाकुम्भ 144 बरें दे मगरा आया जिन्नै भारत दी विकास जातरा च इक नमें अध्याय दा स्नेहा दिता ऐ। मोदी होरें अपने ब्लाग च एह विचार सांझे कीते। उनें गलाया जे देश विदेश सने हर खेतर, जाति ते विचारधारा दे लोग इस महाकुम्भ च इक-दुए दे कन्नै खड़ोते दे लब्बे। प्रधानमंत्री होरें आखेआ जे ओह एह कामना करदे न जे अस्स अपने पूर्वजें ते संतें दी चेतें शा नमीं प्रेरणा लैचे।

<><><><><><>

SEBI

वित्त सचिव तुहित कांता पांडे होरेंगी 3 बरें दी अवधि लेई भारतीय प्रतिभूति ते विनियम बोर्ड-सेबी दा नमा अध्यक्ष नियुक्त कीता गेआ ऐ। ओह इस पद उप्रप माधवी पुरी हुंदी थाहर लैंगन। केंद्री मंत्रीमंडल दी नियुक्त समिति नै सेबी दे नमें अध्यक्ष दे तौरा पर तुहिन कांत पांडे हुंदी नियुक्ति गी मंजूरी दिती ऐ।

<><><><><><>

Odisha

मशहूर ओडिशा फिल्म अभिनेता उत्तम मोहंती हुंदा 66 बरें दी उम्र च कल रातीं गुरुग्राम च काल होई गेआ। ओह लीवर सिरोसिस दी गंभीर बिमारी कन्नै ग्रस्त हे। उनें 130 शा मतियां उड़ियां फिल्में च शानदार अभिनय कीता। उड़िया दे

अलावा उन्हें 30 बंगाली फिल्मों में हिंदी फिल्मों में भी काम किया। ओडिशा के मुख्यमंत्री मोहन चरण मांझी होंगे उत्तम मोहंती हुंदे काल पर गैहरा बसोस व्यक्त करदे हेई गलाया जे उत्त मोहंती होंगे गी उन्दे जीवंत ते शनदार अभिनय लेई म्हेशां याद कीता जाग।

<><><><><><>

Bihar-Earthquake

नेपाल में अज्ज बड़डलै लगभग 2 बज्जिये 36 मिनट पर भूचाल के झटके महसूस कीते गे। रिक्टर पैमाने पर एहदी तीव्रता 6 इशारिया 1 मापी गई। राष्ट्रीय भूचाल विज्ञान केंद्र के मताबक भूचाल का केंद्र राजधानी काठमांडू थमां तकरीबन 65 किलोमीटर पूरब में सिंधु पाल चौक जिले के भैरवकुंड में है। एहदे ' नै जानमाल के नुकसान की कोई खबर नई ऐ। बिहार, पच्छिम बंगाल में सिक्किम के कई हिस्से में भी बड़डलै भूचाल के झटके महसूस कीते गे। बिहार में दरभंगा, समस्तीपुर, सारण में आले-दोआले के इलाके में भूचाल के झटके महसूस कीते गे।

<><><><><><>

Delhi-Assembly

दिल्ली सरकार अज्ज दिल्ली विधानसभा में आम आदमी पार्टी की पिछली सरकार कन्नै जुड़ी की भारत के नियंत्रण में महालेखा परीक्षक कैंग की इक्क होर रिपोर्ट पेश करोगे। एह रिपोर्ट सार्वजनिक स्वास्थ्य ढांचे में स्वास्थ्य सेवाएं के

प्रबंधन दे बारे च ऐ। मुख्यमंत्री रेखा गुप्ता रिपोर्ट दियां प्रतियां विधानसभा च रखंगन। 3 दिन पैहले आप सरकार दी शराब नीति कन्नै जुड़ी कैग रिपोर्ट विधानसभा च पेश कीती गई ही जेदे च थोक विक्रेताएं, खुदरा विक्रेताएं, होटलें-क्लबें ते रेस्तरां गी लाइसेंस देने च कई उल्लंघन गी उजागर कीता गेआ हा।

<><><><><><>

Science

देश अज्ज राष्ट्रीय विज्ञान दिवस मना'रदा ऐ। हर बरे 28 फरवरी गी महान भौतिक वैज्ञानिक सर सी.वी रमन हुंदे आसेआ रमन प्रभाव दी खोज दे उपलक्ष्य च एह ध्याड़ा मनाया जंदा ऐ। उनेंगी इस महत्वपूर्ण खोज लेई 1930 बरे च नोबल पुरस्कार कन्नै सम्मानित कीता गेआ हा। राष्ट्रीय विज्ञान दिवस दे मौके उपपर अज्ज देश च बक्ख-बक्ख विशें उपपर आधारित वैज्ञानिक संचार कन्नै सरबंधत गतिविधियां आयोजित कीतियां जांगन।

<><><><><><>

America

अमरीका दे राष्ट्रपति डोनाल्ड ट्रम्प होरें चीन शा आयात उपपर 10 प्रतिशत बादू शुल्क लाने दी घोषणा कीती ऐ। ओह अगले मंगलवार थमां कनाडा ते मैक्सिको उपपर आयात शुल्क लाने दी योजना बना रदे न। चीन थमां आयात होने आहले समेयान उपपर पैहले गै इस म्हीने तकरीबन 10 प्रतिशत टैक्स लाया गेआ हा। ट्रम्प होरें जंदी रातीं कनाडा ते मैक्सिको उपपर 25 फीसदी

शुल्क लाने दी पुष्टि कीती ऐ जेड़ा 4 मार्च थमां लागू होई जाग। ट्रम्प होरें चेतावनी दिती ऐ जे मैक्सिको ते कनाडा उप्पर टैक्स अदूं तगर जारी रौहग जदूं तगर ओह सीमा सुरक्षा ते नशीले पदार्थे दी तस्करी उप्पर लोड़चदी कार्रवाई नेई करदे।

<><><><><><>

German Badminton Open

जर्मन ओपन बैडमिंटन टूर्नामेंट च मिक्स्ड डबल्स च भारत दी ध्रुव कपिला ते तनीषा क्रैस्टो दी जोड़ी अज्ज क्वार्टर फाइनल च चीन दी जीएओजिया जुआन ते वू मेंग यिंग कन्नै मुकाबला होग। दुनिया दी 59में नम्बरै दे थारुन मन्नेपल्ली होरें मर्दे दे सिंगल्स च कनाडा दे ब्रायन यांग गी हराया। मन्नेपल्ली हुंदा अगला मुकाबला अज्ज रात फ्रांस दे सी. पोपोव कन्नै होग। हालांकि, प्रियांशु राजावत फ्रांस दे टोमा जूनियर पोपोव थमां हारियै बाहर होई गे न। किरण जॉर्ज बी चीन दी वांग झेंगक्सिंग थमां हारियै बाहर होई गेइयां न। महिलाएं दे सिंगल्स च रक्षिता रामराज ते उन्नति हुडा दौनें क्वार्टर फाइनल च पुज्जी गेइयां न। रक्षिता दा अगला मुकाबला डेनमार्क दी एम. ब्लिचफेल्ड कन्नै जदके उन्नति दा अगला मुकाबला जापान दी आर गुंजी कन्नै होग।

<><><><><><>

ICC

आई.सी.सी चैंपियन्स ट्रॉफी क्रिकेट च अज्ज दपैहरी अफगानिस्तान दा मुकाबला आस्ट्रेलिया कन्नै दपैहरी ढाई बजे लाहोर दे गद्दाफी स्टेडियम च होग। कल रावलपिंडी च मेजबान पाकिस्तान ते बांग्लादेश बश्कार बरखा करी मैच रद्द होई गेआ हा जेदे चलदे दवें टीमें गी 1-1 अंक दिता गेआ हा।

<><><><><><>

J&K Weather

जम्मू-कश्मीर च कल बरखा, ल्हास-पस्सियां पौने ते चानचक्का हाड़ औने करी पुंछ जिले च सूरन नदी च त्रै लोकें दी मौत होई गई ते त्रै होरनें दे रूड़ी जाने दी शेंका ऐ। रियासी जिले च बी इक नौजवान नाले च हाड़ औने करी रूड़ी गेआ। सांबा जिले च बिजली पौने करी इक मंदिरै गी नुकसान पुज्जा जदके कल संझां रामबन च नेकां थाहें उप्पर ल्हास-पस्सियां पौने करी जम्मू-श्रीनगर राश्ट्री जरनैली सिड़क एनएच-44 बंद करी दिती गई ऐ। जम्मू-किश्तवाड जरनैली सिड़कै गी कल फग्गुमढ दे नेड़े तकरीबन 5एं घैंटें लेई बंद करना पेई गेआ। किश्तवाड, डोडा, रामबन, पुंछ ते रियासी दे मते उंचाई आहले इलाकें च भारी बर्फबारी होने दी खबर ऐ। जम्मू च पूरा दिन लगातार बरखा बरने करी आम जनजीवन प्रभावत होआ ऐ। कल कटरा च स्थित माता वैष्णों देवी मँदर लेई हेलिकॉप्टर सेवा ते बैटरी कार सेवा बी बंद रेई। ताराकोट मार्ग दे राहें होने आहली जातरा बी बंद रक्खी गई।

<><><><><><><>

Weather

हिमाचल प्रदेश च ऊंचाई आहले इलाकें च हौली थमां दरम्याने दर्जे दी बर्फबारी जारी रौहने करी केई सिङ्कां गङ्गिणं दी आओजाई लेई बंद होई गेइयां न। उत्थे घट्ट ऊंचाई आहली ते हेठली प्हाड़ियें पर रुकी-रुकियै बरखा बी होई ऐ। भारी बर्फबारी दे बाद तलैहट करी शिमला जिले च नारकंडा दे नेड़े राश्ट्री राजमार्ग बंद करी दिता गेआ ऐ। शिमला जिले च कुल 12 सिङ्कां बंद न। कुल्लू जिले च जीरा नाला च कृत्रिम झील बनने करी तोश गांs च चानचक्क हाड़ दा खतरा पैदा होई गेआ ऐ। हेठले इलाकें च रौहने आहले लोकें गी सुरक्षित थाहें पर पुजाया गेआ ऐ। मौसम विभाग नै लाहौल ते स्पीति, चंबा, किन्नौर ते 2300 मीटर शा मती ऊंचाई आहले इलाकें च बर्फू दे ल्हास-तोदे पौने गी लेइयै ऑरेंज अलर्ट जारी कीता गेआ ऐ।

<><><><><><><>